

luy demandoit fouuent s'il n'estoit point triste; point du tout, respondoit-il, c'est vne grande benediction de Dieu, & vne grace biē particuliere, de voir vn ieune homme à la fleur de son âge aller au tombeau avec autant de ioye qu'il alloit au mariage: voicy comme en parle la Mere Superieure, c'estoit la douceur mesme, il ne demandoit iamais rien, il prenoit avec vne tres-prompte obeïssance, tout ce qu'on luy donnoit, sans s'enquerir s'il estoit amer ou doux; il prenoit vn tres-grand [95] plaisir d'entendre parler de Dieu, & fouuent on le voyoit prier avec grande attention, il se confessoit & communioit tous les huit iours, il affistoit tous les iours à la faincte Messe; bref il le falloit moderer quelque temps deuant sa mort, pour ce que sa ferueur augmentoit son mal. Quand il se vit hors d'esperance de recouurer sa fanté, il dit qu'il auoit laiffé quelques pelteries aux trois Riuieres, il pria les Meres de tenir la main qu'on en payast ses dettes, & que du surplus on fit vne aumosne aux pauures Sauuages de son païs, il receut dans vne grande paix le S. Viatique, & l'Extreme Onction; bref ny en sa maladie, ny en sa mort, il ne fit paroistre aucune crainte, passant de cette vie comme s'il eut esté assuré d'aller tout droit au ciel.

La petite Anne *ꝑ*itaban~~ꝑ~~ꝑe âgée d'environ, 13. ou 14. ans nous a fort consolé dans sa maladie, elle auoit vn tres-grand desir d'estre baptifée, si-tost qu'on l'instruifoit sur ce Sacrement, elle se monstroit attentive, & sa maladie quoy que tres-fascheuse ne la diuertiffoit point de prester l'oreille, encor qu'és autres discours [96] elle n'eut quasi point d'attention, estant regenerée dans le Sang du Fils de Dieu, on luy parla de recevoir son fainct Corps, cette doctrine luy fit redoubler son affection comme elle auoit l'esprit